

Samokontrola

[Bosanski – Bosnian – بوسني]

Dr. Ahmed b. Osman el-Mezjed

Prijevod:

Senad Muhić

Revizija:

Ersan Grahovac

2013 - 1434

IslamHouse.com

﴿الرقابة الذاتية﴾

« باللغة البوسنية »

د. أحمد بن عثمان المزيّد

ترجمة:

سناد موهيتش

مراجعة:

أرسان غراهوفاتس

2013 - 1434

IslamHouse.com

Samokontrola

Jedna od bitnih stvari koje je Poslanik, sallallahu alejhi ve sellem, naredio jeste da čovjek uspostavi kontrolu nad sobom, tako da uvažava prava Allaha i prava robova u tajnosti prije javnosti.

Poslanik, sallallahu alejhi ve sellem, je rekao: **„Boj se Allaha gdje god bio, i učini dobro djelo nakon lošeg da bi ga izbrisao, i lijepo se ophodi prema ljudima.“**¹

Jedne prilike je Poslanik podučavajući Ibn Abbasa samokontroli, hrabrosti i oslonjanju na Allaha, kazao: **„O dječaće, podučit ću te nekoliko riječi: Čuvaj Allaha, pa će i On tebe čuvati. Čuvaj Allaha, pa ćeš ga naći ispred sebe.² Kada nešto tražiš – traži od Allaha a kada nečim pomažeš, pomogni se Allahom. Znaj da, kada bi se svi ljudi skupili da ti kakvu korist pribave, ne bi ti mogli koristiti osim onoliko koliko ti je Allah propisao. Kada bi se svi ljudi sakupili da ti kakvo zlo nanesu ne bi ti mogli naštetiti osim onoliko koliko ti je Allah propisao. Pera su presahla, a listovi podignuti.“**³

¹ Tirmizi, br. 1910., i Ahmed, br. 20392.

² Šejh Muhammed ibn Salih el-Usejmin kaže: „Naći ćeš ga ispred sebe kako ti ukazuje na svako dobro, približava te Sebi i čuva te od svakog zla.“ Vidjeti: *Šerhul-erbe'inen-nevevije*, 201.

³ Tirmizi, br. 2440., i Ahmed, br. 2537.

Poslanik, sallallahu alejhi ve sellem, je jedne prilike upitan šta je to dobročinstvo, pa je odgovorio: „**To je da obožavaš Allaha kao da Ga vidiš, jer iako ti Njega ne vidiš, On, zaista, tebe vidi.**“⁴

Poslanik, sallallahu alejhi ve sellem, je spomenuo sedmoricu koji će biti na najvišim stupnjevima Dženneta na Sudnjem danu i Allah će ih staviti u hlad na dan kada drugog hlada osim Njegovog neće biti. Jedan od takvih je i: „**...čovjek kojeg je ugledna i lijepa žena pozvala na blud, a on rekao: 'Ja se bojim Allaha Gospodara svijetova.**“⁵ To je zbog toga što zna da ga njegov Gospodar posmatra pa je ostavio grijeh čak i kada ga niko drugi ne vidi.

⁴ Buhari, br. 48., i Muslim, br. 9.

⁵ Buhari, br. 1334., i Muslim, br. 1712.